

Հաստատված է

«Ճարտարապետության և շինարարության  
Հայաստանի ազգային համալսարան» հիմնադրամի  
գիտական խորհրդի 2023 թ. դեկտեմբերի 13-ի նիստում



Արձանագրություն No01-12/23

Գիտական խորհրդի նախագահ, ռեկտոր՝

Ե.Վ. Վարդանյան

**ՃԱՐՏԱՐԱՊԵՏՈՒԹՅԱՆ ԵՎ ՇԻՆԱՐԱՐՈՒԹՅԱՆ ՀԱՅԱՍՏԱՆԻ ԱԶԳԱՅԻՆ  
ՀԱՄԱԼՍԱՐԱՆԻ ԱՇԽԱՏՈՂՆԵՐԻ ԳԻՏԱՀԵՏԱԶՈՏԱԿԱՆ ԱՇԽԱՏԱՆՔՆԵՐԻ ՀԱՄԱՐ  
ԼՐԱՎՃԱՐՆԵՐԻ ՏՐԱՄԱԴՐՄԱՆ ԵՎ ՀԱՇՎԱՐԿՄԱՆ**

1.Սույն կարգը սահմանում են Ճարտարապետության և շինարարության Հայաստանի ազգային համալսարանի (այսուհետ՝ ՃՀՀԱՀ) աշխատողներին գիտահետազոտական աշխատանքի որոշ տեսակների կատարման համար տրամադրվող լրավճարների չափերը և դրանց վճարման կարգն ու պայմանները:

2.Լրավճարները տրամադրվում են սույն կարգի հավելվածի աղյուսակում նշված չափերով՝ հետևյալ աշխատանքների կատարման համար.

1) Որոշակի շտեմարաններում ընդգրկված պարբերականներում և ՃՀՀԱՀ «Journal of Architectural and Engineering Research» պարբերականում հոդվածի հրապարակում, այդ թվում՝ արտասահմանյան գիտակրթական կազմակերպություն ներկայացնող հեղինակի հետ համահեղինակությամբ,

2) Առնվազն 5 տպագրական մամուլով մենագրության հրատարակում,

3) Դոկտորական ատենախոսության պաշտպանություն,

4) ՃՀՀԱՀ-ում գործող մասնագիտական խորհուրդներից որևէ մեկում թեկնածուական և դոկտորական թեզերի ղեկավարում և խորհրդատվություն,

5) Համահամալսարանական գիտական սեմինարների իրականացում:

3.Աղյուսակի 1-5-րդ կետերով սահմանված գումարները վճարվում են ՃՀՀԱՀ այն աշխատողներին, ովքեր տպագրված հոդվածում որպես իրենց աշխատավայր նշել են ՃՀՀԱՀ-ն և հնարավորության դեպքում նաև nuaca.am համացանցային տիրույթում գրանցված իրենց էլեկտրոնային փոստի հասցեն:

4.Scopus շտեմարանում ընդգրկված ամսագրերում հրատարակված հոդվածները, որոնց քառորդը դեռևս հստակեցված չէ, ընդունվում են Q4-ին համարժեք:

5.«Web of Science» Core Collection շտեմարանում ընդգրկված ամսագրերի քառորդները որոշվում են JCR-ի քառորդներին համապատասխան (այն ամսագրերը, որոնց քառորդը դեռ հստակեցված չէ, ընդունվում են Q4-ին համարժեք):

6.Եթե հոդվածի հեղինակը որպես իր աշխատավայր նշել է մեկից ավելի կազմակերպություն, ապա նրան վճարվում է հասանելիք գումարի կեսը:

7.Կոլեկտիվ մենագրության գլխի (ենթագլխի), քարտեզի, արտոնագրի հրատարակումը համարվում է համապատասխան շտեմարանում ընդգրկված հոդվածին

համարժեք:

8.Գիտաժողովի նյութերի (conference paper) հրապարակումը համարվում է համապատասխան շտեմարանում ընդգրկված հոդվածին համարժեք (հաշվարկվում և լրավճարներ վճարվում են միայն Q1 և Q2 քառորդներում գրանցված գիտաժողովի նյութերի համար):

9.Համահամալսարանական սեմինարների թեմաները համաձայնեցվում են ՃՇՀԱՀ գիտատեխնիկական խորհրդի հետ:

10.Սույն կարգի հավելվածի 1-7-րդ կետերով սահմանված աշխատանքների համար լրավճարները տրամադրվում են ՃՇՀԱՀ աշխատակցի դիմումի հիման վրա: Դիմումին կցվում են լրավճարը հիմնավորող փաստաթղթեր կամ տվյալներ:

11.Դիմումին կցված նյութերի հավաստիությունը ստուգվում է ՃՇՀԱՀ գիտության վարչության կողմից, որից հետո ՃՇՀԱՀ ռեկտորին է ներկայացվում աշխատողին լրավճար տրամադրելու մասին հրամանի նախագիծը:

12.Սույն կարգին համապատասխան իրականացված գիտական աշխատանքների հաշվառումը և տեղեկատվության պահպանումն իրականացնում է ՃՇՀԱՀ գիտության վարչությունը:

13.Սույն կարգն ուժի մեջ է մտնում 2024 թվականի հունվարի 1-ից:

14.Սույն կարգն ուժի մեջ մտնելուց հետո ուժը կորցրած ճանաչել ՃՇՀԱՀ գիտական խորհրդի 2020թ. հուլիսի 8-ի №01-07/20 նիստի արձանագրությունը՝ ՃՇՀԱՀ աշխատողների, ուսանողների, ասպիրանտների և հայցորդների խրախուսավճարի տրամադրման մասին:

Գիտական քարտուղար՝

13-ը դեկտեմբերի, 2023 թ.  
գիտխորհրդի որոշում № 01-12/23



Լ.Հ. Լևոնյան



Ճարտարապետության և շինարարության Հայաստանի ազգային համալսարանի  
աշխատողների գիտական աշխատանքների համար լրավճարների տրամադրման և  
հաշվարկման կարգի

Հ/Հ	ԳԻՏԱՆԱԿԱԿԱՆ ԳՈՐԾՈՒՆԵՈՒԹՅԱՆ (ԱՇԽԱՏԱՆՔԻ)ՆԿԱՐԱԳԻՐԸ	ՄԻԱՎՈՐ ԱՇԽԱՏԱՆՔԻ ԳԻՆԸ (D-Ն) (ՀՀ ԴՐԱՄ)	ՄԵԿ ԱՇԽԱՏՈՂԻՆ ՀԱՍՄԱՆԵԼԻՔԼՐԱՎՃԱՐԻ ՉԱՓԸ ԵՎ ԴՐԱ ՎՃԱՐՄԱՆ ԿԱՐԳԸ	
1.	Հոդվածի տպագրում «Scopus» շտեմարանում ընդգրկված գիտական պարբերականներում համապատասխան քառորդներով:	Q1	600000	D-ն բաժանած ՃՇՀԱՀ աշխատակից համահեղինակների թվին
		Q2	200000	
		Q3	100000	
		Q4	50000	
2.	Հոդվածի տպագրում «Web of Science» Core Collection շտեմարանում ընդգրկված գիտական պարբերականներում համապատասխան քառորդներով:	Q1	600000	D-ն բաժանած ՃՇՀԱՀ աշխատակից համահեղինակների թվին
		Q2	200000	
		Q3	100000	
		Q4	50000	
3.	Հոդվածի տպագրում «Journal of Architectural and Engineering Research» գիտական պարբերականում	30,000	D-ն բաժանած ՃՇՀԱՀ աշխատակից համահեղինակների թվին	
4.	Լրացուցիչ՝ սույն Աղյուսակի 1-3 կետերից որևէ մեկի պահանջներին բավարարող հոդվածի տպագրում արտասահմանյան համահեղինակ(ներ)ի հետ	50000	D-ն բաժանած ՃՇՀԱՀ աշխատակից համահեղինակների թվին	
5.	Մենագրության հրատարակում (ծավալը առնվազն 5 տպագրական մամուլ և հրատարակված Web of Science գիտատեղեկատվական հարթակի գրքերի հղման ինդեքսի (Book Citation Index) հրատարակիչների ցանկում ներառված հրատարակչություններում կամ էլ ընդգրկված լինի Scopus շտեմարանի կողմից ինդեքսավորված գրքերի ցանկում)	200000	D-ն բաժանած ՃՇՀԱՀ աշխատակից համահեղինակների թվին	
6.	Դոկտորական ատենախոսության պաշտպանություն (ՃՇՀԱՀ հիմնական աշխատողների համար)	300000	D-ն վճարվում է դոկտորական ատենախոսություն պաշտպանող աշխատողին	
7.	ՃՇՀԱՀ-ում գործող խորհուրդներից մեկում թեկնածուական կամ դոկտորական թեզ պաշտպանած հայցորդի (ասպիրանտի, դոկտորանտի) ատենախոսության ղեկավարում կամ գիտական խորհրդատվություն (ՃՇՀԱՀ հիմնական աշխատողների համար)	200000	D-ն վճարվում է հայցորդի (ասպիրանտի) ղեկավարին	
8.	Համահամալսարանական գիտական սեմինարների իրականացում	60000	D-ն վճարվում է սեմինարը իրականացնողին	